

72/25

Bosna i Hercegovina
Federacija Bosne i Hercegovine
ZENIČKO – DOBOJSKI KANTON
MINISTARSTVO UNUTRAŠNJIH POSLOVA
ZENICA
UPRAVA POLICIJE
PU I



Bosnia and Herzegovina
Federation of Bosnia and Herzegovina
ZENICA – DOBOJ CANTON
MINISTRY OF INTERNAL AFFAIRS
ZENICA
ADMINISTRATION OF POLICE
PA I

Broj: 08-02-08/103-1-154-1 /25

Dana: 31.01.2025. godine

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Stručna služba Gradskog vijeća

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
GRAD ZENICA
SLUŽBA ZA OPĆU UPRAVU
ZENICA

PRIMLJENO 03-02-2025 48			
Organizaciona jedinica	Klasifikaciona oznaka	Redni broj	Broj priloga
12	45	254	1

25

PREDMET: Informacija, dostavlja se,-

VEZA: Vaš akt broj 12-45-257/25 od 06.01.2025. godine

U prilogu ovog akta dostavljamo vam Informaciju o radu Policijske uprave I - Zenica sa ocjenom stanja bezbjednosti za 2024. godinu.

PRILOG:

- kao u tekstu.

DOSTAVLJENO;

- 1x naslovu,
- 1x a/a,



**Bosna i Hercegovina
FEDERACIJA BOSNE I HERCEGOVINE
ZENIČKO DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
ZENICA
UPRAVA POLICIJE
POLICIJSKA UPRAVA I**

INFORMACIJA

**O RADU PU I ZENICA SA OCJENOM STANJA BEZBJEDNOSTI
ZA 2024 GODINU**

Zenica, 17.01.2025. godine

U V O D

Informacija o radu Policijske uprave I Zenica sa pregledom stanja bezbjednosti za period januar-decembar 2024. godine, bazira se na statističkim pokazateljima i sveukupnim aktivnostima, saznanjima i izvještajima organizacionih jedinica Policijske uprave I MUP-a ZE-DO kantona Zenica: Policijske stanice Centar, Policijske stanice Crkvice, Policijske stanice Nemila i Odsjeka kriminalističke policije.

Ocjena stanja bezbjednosti služi za utvrđivanje obaveza organizacionih jedinica Policijske uprave I Zenica, ali predstavlja i realan indikator uspješnosti rada policije u pojedinim segmentima rada, te aktuelizira rješavanje problema u okviru Policijske uprave I Zenica kao sastavnog dijela MUP-a ZE-DO kantona Zenica, zatim saradnju sa F MUP-a, MUP-a drugih kantona, drugim policijskim upravama i policijskim stanicama MUP-a ZE-DO kantona Zenica, kao i saradnju sa drugim agencijama za sprovođenje zakonskih i podzakonskih akata, a također inicira i obaveze drugih institucija ZE-DO kantona za stvaranje sigurnog okruženja.

S tim u vezi, cjelokupna aktivnost Policijske uprave I Zenica odvija se u koordinaciji sa drugim nadležnim organima i institucijama, Tužilaštvom BiH, Federalnim i Kantonalnim tužilaštvom, Kazneno-popravnim zavodom Zenica, zatim Ministarstvom pravde, Kantonalnom upravom za inspeksijske poslove, te drugim ministarstvima i kantonalnim upravama.

U periodu od 01.01. do 31.12.2024. godine aktivnosti službenika Policijske uprave I Zenica bile su usmjerene na eliminisanje svih pojava koje su narušavale ili su mogle narušiti cjelokupnu bezbjedonosnu situaciju, odnosno na izvršavanje poslova i zadataka predviđenih planovima rada njenih organizacionih jedinica za period januar-decembar 2024. godine, a prvenstveno na zaštitu života i lične i imovinske sigurnosti građana, i to održavanje javnog reda i mira, kontrolu učesnika u saobraćaju, sprječavanje i otkrivanje kriminaliteta, kontrolu boravka stranaca, držanje i nošenje oružja i municije, te druge poslove koji spadaju u djelokrug rada policije, a propisani su Zakonom o unutrašnjim poslovima Zeničko-dobojskog kantona, Zakonom o policijskim službenicima Zeničko-dobojskog kantona i drugim zakonskim i podzakonskim aktima.

Posebna pažnja je bila posvećena zakonitoj primjeni policijskih ovlaštenja, te korektnom i profesionalnom odnosu policije prema građanima, uz maksimalno poštivanje standarda o ljudskim pravima.

Provodeći planirane aktivnosti u periodu januar-decembar 2024. godine, Policijska uprava I Zenica je organizovala i sprovodila sve vidove službi neophodnih za izvršavanje planiranih poslova i zadataka, te na taj način obezbijedila realizaciju poslova i zadataka predviđenih planovima njenih organizacionih jedinica, kao i akcijama zavednim u naznačenom periodu.

Policijska uprava I Zenica je u skladu sa svojim ovlaštenjima poduzimala aktivnosti iz oblasti javnog reda i mira, saobraćaja i kriminaliteta kao i druge aktivnosti iz nadležnosti policijskih stanica i Odsjeka kriminalističke policije, a iste su analizirane na sastancima održanim sa rukovodnim radnicima organizacionih jedinica Policijske uprave I Zenica.

Poduzimane su aktivnosti kao što su obezbjeđenje i pratnja ličnosti i objekata, pratnja "B" materija i vangabaritnih tereta, te obezbjeđenje javnih skupova i skupova koji su proglašeni skupovima "visokog rizika".

U saradnji sa Kantonalnom upravom za inspeksijske poslove poduzimane su aktivnosti na kontroli prometa roba i kontroli rada ugostiteljskih objekata, te aktivnosti na sprječavanju rada nelegalnih taksi prijevoznika, a pružane su i asistencije federalnim, kantonalnim i općinskim inspektorima.

Vršene su aktivnosti na kontroli, odnosno reviziji izdatog lovačkog naoružanja, te aktivnosti vezane za primjenu Zakona o agencijama i unutrašnjim službama zaštite F BiH.

Obavljane su aktivnosti povodom najavljenih organizovanih protesta, te aktivnosti na obezbjeđenju javnih sportskih, kulturnih, vjerskih i dr. skupova. Također, poduzimane su aktivnosti u vezi akcije "Izbori 2024", na osiguranju predizbornih skupova, aktivnosti na bezbjednom održavanju samog izbornog procesa na dan izbora 06.10.2024. godine, kao i aktivnosti na obezbjeđenju izbornog materijala.

Poduzimane su aktivnosti na kontroli učesnika u saobraćaju, naročito u pogledu postupanja prema vozačima-počiniočima prekršaja utvrđenih stacioniranim i mobilnim radarom, zatim planske aktivnosti u pogledu kontrole vožnje pod uticajem alkohola i brzine kretanja vozila, kao i preticanja na nedozvoljenim mjestima, te kontinuirane aktivnosti na rješavanju problematike mirujućeg saobraćaja, kontrole tehničke ispravnosti vozila i dr.

U cilju poboljšanja bezbjednosti učesnika u saobraćaja, smanjenja broja saobraćajnih nezgoda sa teškim posljedicama i stvaranja visokog stepena bezbjednosti odvijanja saobraćaja na svim putevima u nadležnosti Policijske uprave I Zenica, poduzimane su aktivnosti pojačane kontrole učesnika u saobraćaju, sa akcentom na slijedeće: "Kontrola prisustva alkohola u organizmu vozača", "Kontrola provjere važnosti registracije vozila i potvrde o registraciji", "Kontrola kretanja pješaka i obaveza vozača prema pješacima", "Kontrola učesnika u saobraćaju sa akcentom na sigurnost djece, kao učenika u saobraćaju", "Kontrola učesnika u saobraćaju sa inostranim registarskim oznakama", "Kontrola korištenja zaštitne kacige prilikom upravljanja motociklom, biciklom i mopedom", "Kontrola učesnika u saobraćaju za koja se posumnja da uživaju opojne droge i posjeduju druge predmete koji potiču iz krivičnog djela", "Kontrola kretanja pješaka i obaveze vozača prema pješacima", "Kontrola korištenja mobitela prilikom upravljanja vozilom" i "Kontrola motornih vozila sa akcentom na posjedovanje i korištenje zimske opreme".

Poduzimane su aktivnosti na rasvjetljavanju krivičnih djela protiv privrede, te krivičnih djela razbojništva i razbojničkih krađa, zatim aktivnosti na suzbijanju neovlaštene proizvodnje, stavljanja u promet, posjedovanja i uživanja opojnih droga, te aktivnosti na suzbijanju teških krađa putničkih motornih vozila, šumskih krađa i teških krađa u kuće, stanove i privredne i društvene objekte, kao i aktivnosti na suzbijanju krivičnih djela silovanja, nasilja u porodici i drugih krivičnih djela.

S obzirom da rad policije u najvećoj mjeri ocjenjuju sami građani, potrebno je istaći da su poduzimane i aktivnosti na realizaciji projekta "Rad policije u zajednici", čiji je cilj transformacija sa tradicionalnog modela djelovanja policije na rad policije usaglašen sa evropskim standardima, gdje građani mogu dati značajan doprinos radu policije, a sve u cilju postizanja bolje bezbjedonosne situacije i osjećaja sigurnosti građana.

Obzirom da je prvenstveni zadatak službenika Policijske uprave I Zenica da služe zajednici, isti se maksimalno trude da zadobijeno povjerenje i opravdaju, iako je analizom njihove trenutne radne angažiranosti, kao i popunjenosti svih sistematizovanih radnih mjesta u okviru te organizacione jedinice MUP-a ZE-DO kantona Zenica, utvrđeno da je u istoj prisutno kontinuirano smanjenje broja ovlaštenih službenih osoba odlaskom pojedinih policijskih službenika u druge agencije,

penzionisanjem i na drugi način, tako da Policijska uprava I Zenica svoje svakodnevne poslove i radne zadatke obavlja sa znatno manjim brojem policijskih službenika od sistematizovanog broja. Ohrabruje činjenica da Vlada ZE-DO kantona u posljednje vrijeme odobrava prijem novih policijskih službenika u MUP-a ZE-DO kantona Zenica što će u narednom periodu u velikoj mjeri olakšati rad i same Policijske uprave I Zenica.

Stanje bezbjednosti na području Policijske uprave I Zenica za period januar-decembar 2024. godine, prezentirano je po oblastima javnog reda i mira, bezbjednosti saobraćaja i kriminaliteta, sa uporednim podacima iz prethodne godine.

STANJE BEZBJEDNOSTI PO OBLASTIMA

KRIMINALITET

STATISTIČKI PODACI O STANJU KRIMINALITETA ZA 2024. GODINU

Broj krivičnih djela	Po poznatom	Po nepoznatom	Rasvjetljeno po nepoznatom	Ukupno rasvjetljeno krivičnih djela
1567	685	882	341	1026

U izvještajnom periodu evidentirano je ukupno 1567 krivičnih djela koji su kriminalistički obrađeni u ukupno 1187 događaja.

Od ukupnog broja prijavljenih lica 905, njih 465 su recidivisti, odnosno povratnici.

U oblasti kriminalističke tehnike u izvještajnom periodu izvršena su 703 uviđaja, od čega 87 uviđaja u vezi krvnih i seksualnih delikata, 143 uviđaja imovinskih delikata, 42 uviđaja saobraćajnih delikata, požari 27, izazivanje opće opasnosti-eksplozija 3, proizvodnja i promet opojnih droga 173 i ostalih uviđaja 228.

Na licu mjesta pronađeno je 1167 traga KD-a koji su dostavljeni Odsjeku za kriminalističku tehniku i KDZ u Sektoru kriminalističke policije na daljnu stručnu obradu i analizu.

Stanje kriminaliteta za 2024. godine sa uporednim podacima

	Broj događaja/ krivičnih djela	Po poznatom	Po nepoznatom	Rasvjetljeno po nepoznatom	Ukupno rasvjetljeno krivičnih djela
2023. godina	1167/1223	499	724	314	813
2024. godina	1187/1567	685	882	341	1026

Od navedenog broja 1567 prijavljenih KD-a u toku 2024. godine po broju se izdvajaju:

- 24 krivičnih djela je iz člana 172. KZ F BiH Teška tjelesna povreda,
- 40 krivičnih djela je iz člana 183. KZ FBiH Ugrožavanje sigurnosti,
- 96 krivičnih djela je iz člana 222. KZ FBiH Nasilje u porodici,
- 39 krivičnih djela je iz člana 238. KZ FBiH Neovlaštena proizvodnja i stavljanje u promet opojnih droga,
- 250 krivičnih djela je iz člana 239. KZ FBiH Posjedovanje i omogućavanje uživanja opojnih droga,
- 423 krivičnih djela je iz člana 286. KZ FBiH Krađa,
- 310 krivičnih djela je iz člana 287. KZ FBiH Teška krađa.
- 21 krivično djelo iz člana 289. KZ F BiH Razbojništvo
- 120 krivičnih djela je iz člana 293. KZ FBiH Oštećenje tuđe stvari,
- 31 krivično djelo je iz člana 336. KZ FBiH Teška krivična djela protiv sigurnosti javnog prometa,
- 50 krivičnih djela iz člana 362. KZ FBiH Nasilničko ponašanje

Povećan broj krivičnih djela naročito je izražen u segmentu prijava za krivična djela "Nasilje u porodici", a koji predstavlja ozbiljan društveni problem, zahtjeva proaktivan rad svih relevantnih institucija, uključujući i policijske službenike. Proaktivno djelovanje policije se ogleda u preventivnim aktivnostima i edukaciji odnosno podizanju svijesti građana o potrebi prijavljivanja nasilja, koje je do sada vrlo često ostajalo neprijavljivano zbog straha, stida osude okoline. Ostali segmenti u radu policije je veća prisutnost i vidljivost u zajednici, brza reakcija i zaštita žrtava u saradnji sa drugim institucijama, što je dovelo do povjerenja žrtava nasilja u rad policijskih službenika a samim tim i povećan broj prijava za konkretna krivična djela.

Također je evidentan i povećan broj krivičnih djela "Krađa", što je jednim dijelom rezultat činjenice da je na području koje operativno pokriva ova Policijska uprava aktivno veliko gradilište na koridoru Vc, gdje oprema i materijal građevinskih firmi nije obezbjeđen na adekvatan način što u mnogome olakšava vršenje ovih krivičnih djela bez obzira da li se radi o spoljašnjim ili unutrašnjim izvršiocima. Uočen je i veći broj prijava građana koji se odnosi na krađu ličnih stvari (telefon, dokumenti, novčanik.), a koji nakon što se istraga otvori ili se nakon provedene istrage utvrdi da prijavljeni događaj nema obilježja krivičnog djela.

Policijski službenici OKP PU I, grupa referata Opći kriminalitet, poduzimala je istražne mjere i radnje u vezi krivičnih djela koji se odnose na otkrivanje i procesuiranje krivičnih djela iz glave XVI KZ FBiH "Krivična djela protiv života i tijela", glave XVII KZ FBiH "Krivična djela protiv slobode i prava čovjeka i građanina", glava XIX KZ FBiH "Krivična djela protiv spolne slobode i morala", glava XX KZ FBiH "Krivična djela protiv braka, porodice i mladeži", glava XXI KZ FBiH "Krivična djela protiv zdravlja ljudi", glava XXV KZ FBiH "Krivična djela protiv imovine", glava XXVII KZ FBiH "Krivična djela protiv opće sigurnosti ljudi i imovine", glava XXVIII KZ FBiH "Krivična djela protiv sigurnosti javnog prometa", glava XXX KZ FBiH "Krivična djela protiv javnog reda i pravnog prometa". Tom prilikom poduzimane su istražne mjere i radnje na dokumentovanju prijavljenih krivičnih djela, otkrivanju izvršioca istih te su nadležnom Kantonalnom tužilaštvu ZDK dostavljani Izvještaji o poduzetim mjerama i radnja i Izvještaji o počinjenim krivičnim djelima. Od podnesenih izvještaja u toku 2024. godine izdvojili bi sljedeće:

Dana 04.01.2024. godine izvještaj protiv lica D.A. (pritvor) za krivično djelo iz člana 222. KZ FBiH Nasilje u porodici, krivično djelo iz člana 336. KZ FBiH Teška krivična djela protiv opće sigurnosti javnog prometa, krivično djelo iz člana 238. Neovlaštena proizvodnja i stavljanje u promet opojnih droga i krivično djelo iz člana 337. KZ FBiH Neukazivanje pomoći.

Dana 14.01.2024. godine izvještaj protiv lica M.A. (pritvor) za krivično djelo iz člana 222. KZ FBiH Nasilje u porodici,

Dana 17.01.2024. godine podnesen izvještaj protiv lica H.M. i H.A. (pritvor) za krivično djelo Razbojništvo iz člana 289. stav 2. KZ FBiH počinjeno na štetu H.R. kom prilikom je od istoga otuđen novac u iznosu od 11000 KM i nakit.

Dana 19.01.2024. godine podnesen izvještaj protiv lica T.S. (pritvor) za krivično djela Ugrožavanje sigurnosti iz 183. stav 1. KZ FBiH u sticaju sa krivičnom djelom Nasilničko ponašanje iz člana 362. stav 2. KZ FBiH i krivičnog djela Narušavanje nepovredivosti doma iz člana 184. stav 1. KZ FBiH na štetu V.E.

Dana 22.02.2024. godine podnesen izvještaj protiv lica K.A. (pritvor) za krivično djelo Ugrožavanje sigurnosti iz člana 183. stav 1. KZ FBiH na štetu Š.F.

Dana 21.03.2024. godine izvještaj protiv malodobnog lica H.A. (pritvor) za krivično djelo iz člana 222. KZ FBiH Nasilje u porodici,

Dana 31.03.2024. godine izvještaj protiv T.S. (pritvor) za krivično djelo Napad na službenu osobu u vršenju poslova sigurnosti iz člana 359. KZ FBiH na štetu policijskih službenika PS Crkvice.

Dana 02.04.2024. godine izvještaj protiv lica M.A. (pritvor) za krivično djelo Nasilničko ponašanje iz člana 362. stav 2. KZ FBiH na štetu Dž.B. i P. A.

Dana 25.04.2024. godine izvještaj protiv malodobnog lica M.A. (pritvor) za krivično djelo iz člana 222. KZ FBiH Nasilje u porodici,

Dana 09.06.2024. godine protiv T.E.(pritvor) za krivično djelo Razbojništvo iz člana 289. stav 2. KZ FBiH na štetu malodobne T. A.

Dana 13.06.2024. godine izvještaj protiv lica N.M. (pritvor) za krivično djelo iz člana 222. KZ FBiH Nasilje u porodici,

Dana 19.07.2024. godine izvještaj protiv lica Č.M. (pritvor) za krivično djelo Nasilničko ponašanje iz člana 362. stav 2. KZ BiH u sticaju sa krivičnim djelom iz člana 183. stav 1. KZ FBiH Ugrožavanje sigurnosti, na štetu Š. H.

Dana 26.08.2024. godine izvještaj protiv lica T.S. (pritvor) za krivično djelo Nasilničko ponašanje iz člana 362. stav 2. KZ FBiH u sticaju sa krivičnim djelom Napad na službenu osobu u vršenju poslova sigurnosti iz člana 359. stav 1. KZ FBiH na štetu policijskih službenika PS Centar.

Dana 26.09.2024. godine izvještaj protiv lica P.E. (pritvor) za krivično djelo Sprječavanje službene osobe u vršenju službene radnje iz člana 358. stav 1. KZ FBiH u sticaju sa krivičnim djelom Napad na službenu osobu u vršenju poslova sigurnosti iz člana 359. stav 1. KZ FBiH na štetu službenika PS Centar.

Dana 16.10.2024. godine izvještaj protiv lica D.H. (pritvor) za izvršeno krivično djelo Izazivanje opće opasnosti iz člana 323. stav 1. KZ FBiH u sticaju sa krivičnim djelom Oštećenje tuđe stvari iz člana 293. KZ FBiH.

Dana 29.10.2024. godine izvještaj protiv lica P.B. i S.E. (pritvor) za izvršeno krivično djelo Teška tjelesna ozljeda iz člana 172. stav 3. KZ FBiH na štetu A. S..

Dana 28.10.2024. godine izvještaj protiv lica S.E.(pritvor) za izvršeno krivično djelo Neovlaštena proizvodnja i stavljanje u promet opojnih droga iz člana 238. stav 1. KZ FBiH u sticaju sa krivičnim djelom Nedozvoljeno držanje oružja ili eksplozivnih materija iz člana 371.stav 1. KZ FBiH.

Dana 31.10.2024. godine izvještaj protiv malodobnog lica D-N. D. (pritvor) za izvršeno krivično djelo Nasilje u porodici iz člana 222. stav 1. KZ FBiH u sticaju sa krivičnim djelom Oštećenje tuđe stvari iz člana 293. KZ FBiH na štetu D.S..

Dana 05.11.2024. godine izvještaj o krivičnom djelu protiv lica Č.E.(pritvor) za izvršeno krivično djelo Sprječavanje ovlaštene osobe u vršenju službene radnje iz člana 358. KZ FBiH na štetu službenika PS Crkvice.

Dana 09.11.2024. godine izvještaj protiv lica Đ.H. (pritvor) za krivično djelo Sprječavanje ovlaštene osobe u vršenju službene radnje iz člana 358. KZ FBiH u sticaju sa krivičnim djelom Posjedovanje i omogućavanje uživanja opojnih droga iz člana 239. KZ FBiH na štetu službenika PS Crkvice.

Dana 30.11.2024. godine izvještaj protiv lica Z.K. (pritvor) za krivično djelo Sprječavanje ovlaštene osobe u vršenju službene radnje iz člana 358. KZ FBiH i krivično djelo Neovlaštena proizvodnja i stavljanje u promet opojnih droga iz članan 238. KZ FBiH na štetu službenika PS Centar.

Dana 03.12.2024. godine izvještaj protiv lica O.J. (pritvor) za krivična djela Ugrožavanje sigurnosti iz člana 183. stav 1. KZ FBiH i krivčno djelo Nasilje u porodici iz člana 222. KZ FBiH.

Dana 12.12.2024. godine izvještaj protiv lica Č. Z. (pritvor) za krivično djelo Nasilje u porodici iz člana 222. stav 1. KZ FBiH izvršeno na štetu Č.R. i Č. B..

Dana 16.12.2024. godine izvještaj protiv lica D. E. (pritvor) za izvršeno krivično djelo Razbojništvo iz člana 289. stav 1. KZ FBiH na štetu A.I.

Dana 25.12.2024. godine izvještaj protiv lica Z. E. (pritvor) za izvršeno kivično djelo Neovlaštena proizvodnja i satvljanje u promet opojnih droga iz čalna 238. stav 1. KZ FBiH

Dana 25.12.2024. godine izvještaj protiv lica S. K. za izvršeno krivično djelo Razbojništvo iz član 289. stav 2. KZ FBiH izvršeno na štetu D.A.

Dana 11.06.2024. godine u Zenici lišen slobode E.B. zbog postojanja osnova sumnje da je počinio krivično djelo: "Neovlaštena proizvodnja i stavljanje u promet opojnih droga" iz člana 238. stav 1. KZ FBiH, na način da je u stanu koji koristi radi dalje ulične prodaje držao biljnu materiju koja asocira na opojnu drogu ukupne bruto težine cca. 150 grama, praškastu

materiju koja asocira na opojnu drogu ukupne bruto težine cca. 50 grama i 5 tableta koje asociraju na opojnu drogu.

Dana 10.10.2024. godine u Zenici lišen slobode Č.D. zbog postojanja osnova sumnje da je počinio krivično djelo: "Neovlaštena proizvodnja i stavljanje u promet opojnih droga" iz člana 238. stav 1. KZ FBiH, na način da je u kući koju koristi, radi dalje ulične prodaje, držao praškastu materiju bijele boje koja asocira na opojnu drogu ukupne bruto težine 980,05 grama i biljnu materiju koja asocira na opojnu drogu ukupne bruto težine 243,45 grama, te da je materiju koja asocira na opojnu drogu radi dalje ulične prodaje pakovao u pvc.paketiće i vagao na digitalnoj vagi.

Dana 09.04.2024. godine u Zenici na magistralnom putu M-17, u blizini naselja Radakovo lišeni slobode F.D. i E.P. zbog postojanja osnova sumnje da su počinili krivično djelo: "Neovlaštena proizvodnja i stavljanje u promet opojnih droga" iz člana 238. stav 1. KZ FBiH, na način da su u pmv. , kojim je upravljao F.D., a u kojem se na mjestu suvozača nalazio E.P. ispod zadnjeg sjedišta vozila, radi dalje ulične prodaje držali i prenosili tri pvc. vakumirane kese sa sadržajem bijele materije koja asocira na opojnu drogu bruto težina: 508,55, 568,95 i 55,00 grama.

Dana 01.02.2024. godine u Zenici lišen slobode H.M. zbog postojanja osnova sumnje da je počinio krivična djela: "Neovlaštena proizvodnja i stavljanje u promet opojnih droga" iz člana 238. stav 1. KZ FBiH, "Nedozvoljeno držanje oružja ili eksplozivnih materija" iz člana 371. KZ FBiH i krivično djelo iz člana 52. Zakona o nabavljanju, držanju i nošenju oružja i municije ZDK-a, na način da je u stanu radi dalje ulične prodaje držao 12 pakovanja biljne materije koja asocira na opojnu drogu ukupne bruto težine 2.146,65 grama, 8 pakovanja praškaste materije bijele boje koja asocira na opojnu drogu ukupne bruto težine 717,65 grama i jedno pakovanje praškaste materije smeđe boje koja asocira na opojnu drogu bruto težine 11,05 grama, kao i 11 komada puščane municije i 9 komada pištoljske municije.

Dana 15.03.2024. godine u Zenici lišen slobode M.M. zbog postojanja osnova sumnje da je počinio krivično djelo: "Neovlaštena proizvodnja i stavljanje u promet opojnih droga" iz člana 238. stav 1. KZ FBiH, na način da je u stanu-baraci koju koristi, na navedenoj adresi radi dalje ulične prodaje držao praškastu materiju koja acocira na opojnu drogu ukupne bruto težine cca. 200 grama.

STATISTIČKI PREGLED ODUZETE VSTE I KOLIČINE OPOJNE DROGE ZA PERIOD 01.01.2024 - 31.012.2024. GODINE

HEROIN	224,65 grama
KOKAIN	55,034 grama
AMFETAMINI	1437.881 gram
MARIHUANA	4722,45 grama
ECSTASY	34 komada
SPEED	603,05 grama
OSTALO	6279,55 grama + 199 komada

**U PERIODU 01.01.2024 - 31.12.2024. GODINE U ODSJEKU KRIMINALISTIČKE
POLICIJE**

EVIDENTIRANO JE:

Broj oduzetih/vraćenih predmeta	354
Broj izvršenih pretresa	101
Broj zaprimljenih depeša	7327
Broj zaprimljenih akata	11376
Broj odlaznih akata	5141
Broj odlaznih depeša	3086
Broj zaprimljenih SPI	1688
Broj izdatih uvjerenja o nekažnjavanju	10664
Broj odlaznih akata prema sudu, tužilaštvu i dr. organima vezano za kaznene evidencije	857

U toku 2024. godine službenici zaduženi za kriminalističko obavještajni rad i potražnu djelatnosti uradili su sljedeće:

Izvršen raspis ukupno 68 potjernica po naredbama sudova, tužilaštava, kazneno popravnih ustanova i policijskih agencija.

Sa danom 31.12.2024. godine brojno stanje raspisanih potraga/potjernica od strane PU I je 166 potjernica za 119 lica.

Prikupljena dokumentacija za 3 međunarodne potjernice.

- Raspisano potraga za oružjem (9).
- Raspisano potraga za dokumentima (2),
- Raspisano potraga za predmetima (2).

Zaprimljeno 25 prijava o udaljavanju-nestanku lica iz kruga porodice koje su dokumentovane i od kojih je za 14 lica raspisivana potraga kroz elektronsku bazu podataka o nestalim licima. Od navedenih 25 lica sva lica su pronađena i potrage obustavljene.

Postupljeno po 112 zahtjeva za readmisiju osoba koje borave bez dozvole u drugim zemljama.

Postupano po zahtjevima drugih policijskih stanica, uprava, ministarstava, drugih policijskih agencija, sudova, tužilaštava i dr. institucija, a koje se odnose na provjere ličnih podataka, adresa prebivališta, utvrđivanja identiteta, saslušavanje lica po raznim osnovama, izuzimanje dokumentacije, readmisije lica koja borave bez dozvole u drugim zemljama, provjere u kaznenim i operativnim evidencijama, provjere podataka u Zemljišnoknjižnim uredima i Općinskim službama, zahtjevi KPZ-a za davanje mišljenja o korištenju vanzavodskih pogodnosti za osuđenike i dr.

Vršena analiza spiska osuđenika KPZ ZT Zenica, obavjesti o izdržanim kaznama i o početku izdržavanja kazni, gdje su isti provjeravani kroz elektronske baze potraga radi utvrđivanja da li se isti potražuju od strane drugih policijskih agencija.

KRIMINALISTIČKA TEHNIKA

U proteklom periodu kriminalistička tehnika je u skladu sa zakonskim aktima pružila značajnu aktivnost u rješavanju krivičnih djela gdje je potrebno angažovanje stručnih kadrova i složene kriminalističke obrade tragova kako bi se obezbjedili relevantni dokazi u krivičnim postupku.

Tumačeni su i analizirani svi tragovi pronađeni na mjestu izvršenih krivičnih djela, a određeni broj tragova dostavljen je na vještačenje u cilju dokazivanja i identifikacije izvršilaca. Izvršen je pregled kriminalističke opreme kako zajedničke tako i individualne, te su otklonjeni nedostaci u cilju efikasnosti rada kriminalističke tehnike. Također postupali po depešama drugih PU/PS MUP-a ZDK kao i drugih policijskih agencija.

POSLOVI UVIĐAJA:

Ukupan broj izlazaka na mjesto događaja.....	703
od toga: Krvni i seksualni delikti.....	87
Imovinski delikti.....	143
Saobraćaj.....	42
Požari	27
Izazivanje opće opasnosti-eksplozija.....	3
Proizvodnja i promet opojnih droga.....	173
Ostalih uviđaja.....	228
Ukupan broj pronađenih tragova na licu mjesta izvršenja KD-a.....	1167

OSTALI POSLOVI I AKTIVNOSTI:

Izvršeno krim.tehničkih pregleda-pretresa.....	31
Rad po naredbi suda.....	59
Izvršeno obdukcija.....	14
Izvršeno vanjskih pegleda leševa.....	0
Sačinjeno i dostavljeno: Fotodokumentacija.....	635
Crtež lica mjesta.....	42
Ukupno izvađeno krvi.....	204
Vađenje krvi za potrebe vještačenja PU I.....	119
od toga: na alkohol.....	116
na krvnu grupu.....	21
droge	8
Vađenje krvi za potrebe Uprave policije MUP-a ZDK.....	12
Vađenje krvi na osnovu depeša drugih PU i PS, te dostavljeno na vještačenje.....	98
Napisano odgovora na depeše.....	98
Kriminalističko odbradeno lica i dostavljeno Upravi policije MUP-a ZDK u bazu AFIS	15
Izvršeno vještačenja od strane FMUP-a	90
Izvršeno vještačenja od strane Uprave policije MUP-a ZDK, te dostavljeni nalazi na referate.....	34

JAVNI RED I MIR

Na području koje pokriva Policijska uprava I Zenica, u izvještajnom periodu registrovano je 2028 slučajeva narušavanja JRiM-a, dok je u istom periodu 2023. godine, JRiM narušen u 1669 slučajeva. U svim slučajevima narušavanja JRiM-a policijski službenici su sačinjavali prekršajne naloge i podnosili zahtjeve za pokretanje prekršajnog postupka protiv 2028 lica.

STRUKTURA NARUŠAVANJA JAVNOG REDA I MIRA

	2023. godina	2024. godina
Tuča, fizički napad	179	160
Nepostupanje i omalovažavanje	107	102
Naročito drsko ponašanje	214	245
Ostali prekršaji	1199	1521
UKUPNO NARUŠAVANJA	1699	2028

Stanje javnog reda i mira u 2024. godini po policijskim stanicama:

PU/PS	Broj prekršaja JRiM	Broj učinilaca	Tuče i fizički napadi	Naročito drsko ponašanje	Odbijanje naređenja i omalovažavanje pol.sl.	Ostali prekršaji
PS Centar	629	629	69	164	56	340
PS Crkvice	1263	1263	72	61	40	1090
PS Nemila	136	136	19	20	6	91
UKUPNO PU I ZENICA	2028	2028	160	245	102	1521

Kako se može vidjeti iz navedenih podataka, broj narušavanja JRiM-a u izvještajnom periodu je u odnosu sa brojem narušavanja JRiM-a u istom periodu prethodne 2023. godine povećan za 329 slučajeva. Najveći broj narušavanja je evidentiran na području koje pokriva Policijska stanica Crkvice (1263), dok je najmanje na području Policijske stanice Nemila (136). Detaljnom analizom počinjenih prekršaja prema strukturi, evidentno je uvećanje prekršaja koji se odnose na prekršaje konzumiranja alkohola na javnom mjestu, konzumiranju narkotičkih sredstava, vođenja psa bez zaštitne korpice, kupovina/prodaja domćeg/stranog novca, prosjačenje, reprodukcija muzike i sl., a što je rezultat proaktivnog rada policijskih službenika u odnosu na sve pojavne oblike prekršaja kao i svjesnosti građana o potrebi prijavljivanja svih oblika protupravnog ponašanja lica proisteklo kao rezultat angažmana policijskih službenika PU I, po projektu "Rad policije u zajednici". Shodno angažmanu policijskih službenika, te uz saradnju sa lokalnom zajednicom- građanima rezultiralo je evidentiranjem većeg broja prekršaja a samim tim i sankcionisanju više lica za počinjene prekršaje.

Navedeni pokazatelji su i rezultat pojačanih aktivnosti koje su službenici Policijske uprave I Zenica poduzimali u skladu sa ranije sačinjenim Planom pojačanih aktivnosti policije iz oblasti JRiM-

a, posebno u pogledu pregleda ugostiteljskih objekata i osoba u njima, pregleda otvorenih i napuštenih objekata, te pregleda vozila i osoba u vozilima radi pronalaska predmeta pogodnih za nanošenje tjelesnih povreda sebi ili drugome, kao i predmeta iz krivičnih djela "Neovlaštena proizvodnja i stavljanje u promet opojnih droga" i "Posjedovanje i omogućavanje uživanja opojnih droga", a sve u cilju stvaranja sigurnijeg ambijenta na području grada Zenica.

Također, navedeni pokazatelji su rezultat i pojačanih zajedničkih aktivnosti Policijske uprave I Zenica sa Kantonalnom upravom za inspeksijske poslove na kontroli ugostiteljskih objekata u pogledu poštivanja Općinske odluke o radnom vremenom, kao i kontrole i nadzora rada ugostiteljskih objekata koji su poznati kao mjesta u kojima se često narušava javni red i mir ili se okupljaju osobe sklone vršenju prekršaja.

Osim toga, poduzimane su i pojačane aktivnosti na kontroli i nadzoru nad radom ugostiteljskih objekata i drugih preduzeća koja koriste usluge nelegalnih zaštitara, kao i aktivnosti povodom najavljenih organizovanih blokada javnih puteva i ustanova, te aktivnosti na obezbjeđenju svih javnih skupova (sportskog, kulturnog, vjerskog i dr. karaktera) koji su se održavali na području grada Zenica.

Policijski službenici Policijske uprave I Zenica su u izvještajnom periodu poduzimali i mjere prema maloljetnim osobama, odnosno njihovim roditeljima, usvojiteljima i starateljima radi počinjenog prekršaja iz člana 3. stav 1. tačka 26. Zakona o javnom redu i miru ("Sl. novine ZE-DO kantona", broj 8/00 od 15.05.2000. godine, broj 15/03 od 24.11.2003. godine, broj 11/07 od 06.07.2007. godine i broj 8/08 od 14.07.2008. godine).

Analizirajući uzroke narušavanja JRiM-a konstatovano je da su najčešći uzroci činjenja prekršaja alkoholisanost, vaspitna zapuštenost, kultura, neriješeni imovinsko-pravni odnosi, drskost, samovolja, loša ekonomska situacija u društvu i dr., dok se kao izvršioci prekršaja najčešće pojavljuju muškarci mlađe životne dobi.

BEZBJEDNOST SAOBRAĆAJA

U izvještajnom periodu na području Policijske uprave I Zenica, evidentirano je **917** saobraćajnih nezgoda, dok je u istom periodu prethodne godine evidentirana **1122** saobraćajnih nezgoda. Od ukupnog broja saobraćajnih nezgoda u 174 saobraćajne nezgode učesnici su zadobili tjelesne povrede, što je za 8 manje nego 2023. godine, te se desilo 5 saobraćajnih nezgoda sa smrtnim posljedicama. Ostale saobraćajne nezgode su za posljedicu imale materijalnu štetu.

	2023. godina	2024. godina
Kontrola vozila i vozača	38474	28470
Izvršeno pregleda vozila	4179	1895
Napisano prekršajnih naloga	31901	27716
Isključeno vozača iz saobraćaja	1401	1466
Isključeno vozila iz saobraćaja	260	375
Broj saobraćajnih nezgoda	1122	917
Sa poginulim osobama	5	5
Sa materijalnom štetom	935	754
Sa povrijeđenim osobama	182	174

Upoređujući broj saobraćajnih nezgoda u izvještajnom periodu sa brojem saobraćajnih nezgoda iz prethodne godine konstatovano je da je na području koje pokriva Policijska uprava I Zenica došlo do smanjenja broja saobraćajnih nezgoda za 205.

Stanje u oblasti bezbjednosti saobraćaja u 2024. godini, po policijskim stanicama u poređenju sa 2023. godinom

Područje	Broj saobraćajnih nezgoda		TEŽE POSLJEDICE			
			Povrijeđeni		Smrtno stradali	
	2023.	2024.	2023.	2024.	2023.	2024.
PS Centar	765	592	113	102	5	4
PS Crkvice	330	294	60	64	0	1
PS Nemila	27	31	9	8	0	0
UKUPNO PU I ZENICA	1122	917	182	174	5	5

Prema analitičkim podacima evidentno da je broj saobraćajnih nezgoda sa materijalnom štetom u padu, kao i broj saobraćajnih nezgoda sa povrijeđenim licima, dok je broj saobraćajnih nezgoda sa smrtno stradalim licima identičan. Uzroci navedenih saobraćajnih nezgoda su uglavnom neprilagođena brzina uslovima i kategoriji puta (slaba putna infrastruktura, vertikalna i horizontalna signalizacija i dr.), upravljanje vozilom pod dejstvom alkohola.

U izvještajnom periodu, Policijska uprava I Zenica, podizimala je aktivnosti na poboljšanju stanja u oblasti bezbjednosti saobraćaja, kako slijedi: kontrolisno je 28470 vozila i vozača. Također, kada su u pitanju pojačane aktivnosti na provođenju represivnih mjera prilikom kontrole učesnika u saobraćaju vidljivo je da su policijski službenici Policijske uprave I Zenica u 2024. godini izdali 27716 prekršajnih naloga.

Navedeni pokazatelji su rezultat pojačanih aktivnosti na poduzimanju preventivnih mjera za poboljšanje bezbjednosti saobraćaja, zatim pojačanih aktivnosti na provođenju represivnih mjera prilikom kontrole učesnika u saobraćaju, aktivnosti u pogledu postupanja prema vozačima, počiniocima prekršaja utvrđenih stacioniranim i mobilnim radarom, naročito onih koji upravljaju vozilima stranih registarskih oznaka, te planskih aktivnosti u pogledu kontrole vožnje pod dejstvom alkohola, kontrole brzine kretanja vozila i kontrole preticanja na nedozvoljenim mjestima, kao i kontinuiranih aktivnosti na rješavanju problematike mirujućeg saobraćaja, tehničke neispravnosti vozila i dr.

Bitno je napomenuti da je video nadzor saobraćajnica uspostavljen na 17 lokacija u Gradu Zenica, LPR kamere su povezane u sistem te se vrši snimanje vozila i pješaka, prati činjenje prekršaja, te vrši sankcionisanje počinalaca, prevenstveno vozila sa nevažećim registracijama.

OSTALE AKTIVNOSTI

Obavljajući redovne poslove i zadatke koji spadaju u nadležnost ovlaštenih radnika Policijske uprave I Zenica, isti su poduzimali zakonom propisane mjere i radnje navedene u tabeli.

	2023. godina	2024. godina
Lišeno slobode	669	817
Sprovedeno osoba u KPZ	45	4
Legitimisano osoba	5346	5805
Asistencije drugim organima	148	153
Vanredna obezbjeđenja	410	370
Broj održanih i osiguranih javnih skupova	410	370

U 2024. godini, na području Policijske uprave I Zenica, održano je 370 javnih skupova, u 2023. godini 410 što je za 40 skupova manje, a na čijem osiguranju su bili angažovani službenici policije.

DRŽANJE I NOŠENJE ORUŽJA I MUNICIJE

Provodeći redovne i dodatne planske aktivnosti, službenici Policijske uprave I Zenica su prilikom pregleda i pretresa stanova, kuća, vozila i osoba u vozilima kao i prilikom vršenja racija u ugostiteljskim objektima, pronašli predmete navedene u tabeli, a protiv svih osoba su poduzete zakonom propisane mjere i radnje.

	2023. godina	2024. godina
Oduzeto hladnog oružja	51	79
Razni pištolji	20	30
Ručne bombe	1	1
Oduzeto pušaka	14	9
Gasno oružje	14	19
Municija	21	292
Oduzeto pirotehničkih sredstava	180	347
Dr. pred. pogodni za nanoš. povreda	14	13

ZAKLJUČAK

Bezbjedonosnu situaciju na području koje pokriva Policijska uprava I Zenica u periodu januar-decembar 2024. godine, u odnosu na isti period prethodne godine, karakteriše povećanje broja narušavanja javnog reda i mira, smanjenje broja saobraćajnih nezgoda dok je broj prijavljenih krivičnih djela u blagom porastu ali sa istim brojem evidentiranih događaja.

Policijski službenici Policijske uprave I Zenica poduzimali su mjere i radnje u skladu sa ranije sačinjenim Planom pojačanih aktivnosti policije iz oblasti kriminaliteta, JRiM-a, posebno na pregledu ugostiteljskih objekata i osoba u njima, pregledu otvorenih i napuštenih objekata, te pregledu vozila i osoba u vozilima radi pronalaska predmeta pogodnih za nanošenje tjelesnih povreda sebi ili drugome, kao i predmeta iz krivičnih djela te opojnih sredstava, a sve u cilju stvaranja sigurnijeg ambijenta na području grada Zenica. Također, navedeni pokazatelji su rezultat i pojačanih zajedničkih aktivnosti sa Kantonalnom upravom za inspeksijske poslove na kontroli ugostiteljskih objekata u pogledu poštivanja Općinske odluke o radnom vremenom, kao i kontrole i nadzora rada ugostiteljskih objekata koji su poznati kao mjesta u kojima se često narušava javni red i mir ili se okupljaju osobe sklone vršenju prekršaja. Osim toga, poduzimane su i pojačane aktivnosti na sprječavanju rada nelegalnih taksi prijevoznika, a također su vršene i aktivnosti kontrole i nadzora nad radom ugostiteljskih objekata i drugih preduzeća koja koriste usluge nelegalnih zaštitara, kao i aktivnosti povodom najavljenih organizovanih blokada javnih puteva i ustanova, te aktivnosti na obezbjeđenju svih javnih skupova (sportskog, kulturnog, vjerskog i dr. karaktera) koji su se održavali na području grada Zenica.

U oblasti saobraćaja, u izvještajnom periodu, na području koje pokriva Policijska uprava I Zenica, evidentno je da je došlo do smanjenja broja saobraćajnih nezgoda u odnosu na 2023. godinu. Navedeni pokazatelji su rezultat pojačanih aktivnosti na poduzimanju preventivnih mjera za poboljšanje bezbjednosti saobraćaja, zatim pojačanih aktivnosti na provođenju represivnih mjera prilikom kontrole učesnika u saobraćaju, aktivnosti u pogledu postupanja prema vozačima, počiniocima prekršaja utvrđenih stacioniranim i mobilnim radarom, naročito onih koji upravljaju vozilima stranih registarskih oznaka, te planskih aktivnosti u pogledu kontrole vožnje pod dejstvom alkohola, kontrole brzine kretanja vozila i kontrole preticanja na nedozvoljenim mjestima, kao i kontinuiranih aktivnosti na rješavanju problematike mirujućeg saobraćaja, tehničke neispravnosti vozila i dr.

U oblasti kriminaliteta, u izvještajnom periodu, na području koje pokriva Policijska uprava I Zenica, evidentirano je 1567 krivičnih djela u odnosu na 1223 krivična djela evidentirana za isti period prethodne godine, a što je rezultat pojačanih aktivnosti koje su službenici Policijske uprave I Zenica poduzimali u skladu sa Planom o poduzimanju mjera i aktivnosti na poboljšanju bezbjedonosnog stanja na području ZE-DO kantona, zatim Planom o pojačanoj kontroli vozila i pregledu vozila i osoba, te Planom o poduzimanju mjera i aktivnosti na sprečavanju nelegalne sječe šume, kao i Planovima o izvođenju operativno taktičkih mjera i radnji – racija u ugostiteljskim objektima. Osim toga, poduzimane su i pojačane aktivnosti na suzbijanju neovlaštene proizvodnje, stavljanja u promet, posjedovanja i uživanja opojne droge, zatim aktivnosti na kontroli ugostiteljskih objekata koji su poznati kao mjesta u kojima se često okupljaju osobe sklone vršenju krivičnih djela, te aktivnosti na sprečavanju nelegalnog nabavljanja, držanja i nošenja oružja i municije (član 52. i 53. Zakona o nabavljanju, držanju i nošenju oružja i municije).

PRIJEDLOG MJERA KOJE ĆE SE PODUZIMATI U CILJU POBOLJŠANJA BEZBJEDONOSNE SITUACIJE

JAVNI RED I MIR

- poduzimati mjere i radnje predviđene planom pojačanih aktivnosti policije iz oblasti JRiM-a, posebno na pregledu ugostiteljskih objekata i osoba u njima, otvorenih i napuštenih objekata, te pregledu vozila i osoba u vozilima radi pronalaska predmeta pogodnih za nanošenje tjelesnih povreda sebi ili drugome, kao i predmeta iz krivičnih djela te opojnih sredstava, a sve u cilju stvaranja sigurnijeg ambijenta na području grada Zenica.
- nastaviti pojačane aktivnosti na poduzimanju mjera i radnji koje se ogledaju u preventivnom radu kroz pozorno-patrolnu djelatnost na patrolnim sektorima.
- obavljati aktivnosti na kontroli ugostiteljskih objekata u pogledu poštivanja Općinske odluke o radnom vremenu.
- vršiti pojačane aktivnosti kontrole i nadzora rada ugostiteljskih objekata koji su poznati kao mjesta gdje se često narušava javni red i mir ili se okupljaju osobe sklone vršenju prekršaja.
- nastaviti sa pojačanim aktivnostima vezano za kontrolu i nadzor rada ugostiteljskih objekata i drugih preduzeća koja koriste usluge nelegalnih zaštitara.
- obavljati aktivnosti povodom najavljenih organizovanih blokada javnih puteva i ustanova.
- obavljati aktivnosti na obezbjeđenju svih javnih sportskih, kulturnih, vjerskih i dr. skupova.
- poduzimati mjere prema maloljetnim osobama, odnosno njihovim roditeljima i starateljima radi činjenja prekršaja iz člana 3. stav 1. tačka 26. Zakona o javnom redu i miru.
- nastaviti sa aktivnostima na realizaciji projekata "Rad policije u zajednici" u cilju postizanja bolje bezbjedonosne situacije i osjećaja sigurnosti građana.

BEZBJEDNOST SAOBRAĆAJA

- nastaviti sa pojačanim aktivnostima na poduzimanju preventivnih mjera za poboljšanje bezbjednosti saobraćaja na svim kategorijama puteva, a u skladu sa analitičkom procjenom stanja u oblasti bezbjednosti saobraćaja baziranoj prije svega na broju saobraćajnih nezgoda koje su evidentirane na području grada Zenica i posljedica kojima su iste rezultirale (smrtno stradali, povrijeđeni, materijalna šteta).
- nastaviti sa pojačanim aktivnostima na provođenju represivnih mjera prilikom kontrole učesnika u saobraćaju, sa akcentom na pojedine kategorije učesnika – počinioce prekršaja koji najčešće uzrokuju saobraćajne nezgode (prekoračenje brzine, vožnja pod uticajem alkohola ili opojnih droga, tehnička neispravnost vozila i sl.) .
- nastaviti sa aktivnostima u pogledu postupanja prema vozačima, počinioциma prekršaja utvrđenih stacioniranim i mobilnim radarom, LPR kamerama, naročito onih koji upravljaju vozilima stranih registarskih oznaka.
- nastaviti provođenje planskih aktivnosti na pojačanoj kontroli vožnje pod dejstvom alkohola, kontroli brzine kretanja vozila i kontroli preticanja na nedozvoljenim mjestima.
- nastaviti kontinuirane aktivnosti na rješavanju problematike mirujućeg saobraćaja, tehničke neispravnosti vozila i dr.
- vršiti pojačanu kontrolu vozila i vozača za koje postoje saznanja da motornim vozilima upravljaju bez položenog vozačkog ispita, odnosno bez vozačke dozvole.

KRIMINALITET

- nastaviti pojačane aktivnosti u skladu sa Planom o poduzimanju mjera i aktivnosti na poboljšanju bezbjedonosnog stanja na području ZE-DO kantona.
- poduzimati pojačane aktivnosti na sprječavanju i rasvjetljavanju krivičnih djela razbojništva i razbojničkih krađa te krivičnih djela izazivanja opće opasnosti.
- nastaviti pojačane aktivnosti na sprječavanju i rasvjetljavanju krivičnih djela teških krađa u stanove, kuće i vikendice.
- nastaviti pojačane aktivnosti u skladu sa Planom o pojačanoj kontroli vozila i pregledu vozila i osoba u vozilima.
- nastaviti aktivnosti u skladu sa Planom o poduzimanju mjera i aktivnosti na sprječavanju nelegalne sječe šume.
- vršiti pojačane aktivnosti na suzbijanju neovlaštene proizvodnje, stavljanja u promet, posjedovanja i uživanja opojne droge, zatim aktivnosti na kontroli ugostiteljskih objekata koji su poznati kao mjesta u kojima se često okupljaju osobe sklone vršenju krivičnih djela, te aktivnosti na sprječavanju nelegalnog nabavljanja, držanja i nošenja oružja i municije.
- nastaviti aktivnosti u skladu sa Planom sprječavanja otuđenja putničkih motornih vozila.
- nastaviti aktivnosti na sprječavanju i otkrivanju počinilaca teških krađa u privredne i društvene objekte.
- obavljati aktivnosti na suzbijanju privrednog kriminaliteta.
- poduzimati aktivnosti na realizaciji mjera iz programa prevencije maloljetničke delikvencije.

INFORMACIJU SAČINIO

NAČELNIK POLICIJSKE UPRAVE I GLAVNI INSPEKTOR

Mirsad Muračević

